



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一五二

日知堂文集六卷 鄭端撰

一

柳村詩集十二卷 董訥撰

一二七

芸暉堂詩集七卷附續稿 閻中寬撰

二二九

梅東草堂詩集九卷 顧永年撰

二八七

閑存堂文集十四卷詩集九卷 張永銓撰

四三七

序

有經濟者可不必有文章而有經濟者自不能無文章蓋其孝弟佛於家庭忠靈篤於朝右豐功偉績被乎當時盛德大業垂諸後世此豈待以文章傳乎然而嘉謨嘉猷則有奏疏善政善教則有文告平反冤抑則有激語訓於家化於鄉友善天下尚論古人則有書札序引碑誌諸雜著此又豈能不以文章傳乎余自幼始知讀書即聞當世有

鄭司直先生者抱大經濟為時名臣竊心向往之然欲讀其文不可得後二十年

日知堂文集序

先生已作古人余以一鐸遊廣川實

先生珂里得與其諸嗣君朝夕過從而求

先生之遺文尚哀集未成也又十餘年余作吏澄江隸

先生開府舊地得沐其流風而與其嗣君結朱陳之好

更得悉其嘉言懿行久之乃快讀

先生之遺文其奏疏有侃侃大臣之節其文告諭語皆

肫肫仁人之言其諸雜著各寫其事之所可信而達

其心之所誠然無一非性情之流露此亦何啻欲以

文章傳乎然傳其經濟而文章之必傳無疑也世之

讀是文者論世知人宜先求其經濟之大者而已文

章云于哉

康熙五十八年歲在己亥夏五望後

賜進士出身儒林郎掌河南道事江西道監察御史起復

候補年家春姻晚生陶舜頤首拜題

日知堂文集序

二

清代詩文集彙編

日知堂文集總目

卷一

湖南奏疏十五首

卷二

江蘇奏疏二十首

卷三

示諭公移策問共十四首

卷四

序引記共二十三首

卷五

日知堂文集總目

書簡十三首

卷六

墓誌狀祭文共五首

歷展附

日知堂文集卷一

棘津鄭端司直甫

江南安徽等處承宣布政使司布政使今陞補偏沅

巡撫臣鄭端謹

奏為微臣久歷外任幸遇

聖駕南巡今蒙

恩陞任仰請

陛見再覲

天顏敬聽

聖誨以啓愚蒙以惠地方事康熙二十八年六月十一日

日知堂文集卷一

接吏部咨文內開為請

吉事文選清吏司案呈奉本部送吏科抄出本部題前事

康熙二十八年五月二十一日奉

旨鄭端陞補偏沅巡撫應兼職銜爾部議奏欽此欽遵抄

部送司相應行咨為合咨前去煩為欽遵查照施

行等因到臣隨即恭設香案望

闕叩頭謝

思照例詳請督撫委員署理交代外竊思臣本一介書生

由己亥科進士授翰林院庶吉士歷陞戶部郎中隨

部院諸臣不時啓奏常見

天顏自康熙十年以後歷任司道去

天漸遠欲瞻

雲就

日以遂臣子之心而奉職在外不得自由幸逢

皇上南巡臣迎

駕至金山寺親承

天語錄臣徵長送

駕至燕子磯又蒙頒賜

御書端清二字書告諸祖父傳之子孫生生世世俱為

至寶候叨非分之榮敢不益効犬馬之力乃忽奉

日知堂文集卷一

二

簡命陞補偏沅巡撫不由

廷推不從開列格外蒙

恩獨出

聖裁威極涕零念臣有何德能受此特達之

知惟有潔清自矢先自治而後治人勸勉屬員共求滌慮

洗心撫綏小民各令安家樂業以慰我

皇上察吏安民之意庶於職掌稍盡萬分之一但臣愚昧

無知雖礙執自守而所見褊淺又湖南當兵燹之後

不比腹裏富庶之地其中料理事宜先後緩急之間

實非愚臣之所能曉若不說叩

丹陛面領

聖誨以開茅塞何以知明處當而使

皇恩普遍於湖湘每聞我

皇上於文武重臣

陛辭之日

教訓數言諸臣身到地方遵奉行事無不恰中機宜心說

誠服以為

聖天子明見萬里之外况臣歷外任多時不比侍從諸臣

常蒙

聖訓可以朝聞

日知堂文集卷一

三

命而夕任事故勲懇懇懇望

光之念為尤切伏乞

皇上鑒此微誠允臣赴京

陛見再覲

天顏親受

教誡則地方應行事宜可以周知而犬馬戀

主之心亦得以稍遂矣臣不勝惶悚激切待

命之至為此具本謹具奏

聞伏候

勅旨

巡撫偏沅等處地方提督軍務兼理糧餉都察院右

副都御史臣鄭端詳

奏為恭謝

天恩事竊臣以鄙陋庸才蒙

皇恩特陞偏沅巡撫欽奉

簡命馳赴任所行至湖北武昌府地方恭遇湖廣提塘鄭

遇恩賞到臣坐名

勅書一道臣隨恭設香案望

闕叩頭捧受前行於九月初三日已抵長沙府駐劄衙門

除入境到任日期另疏

日知堂文集卷一

四

題報外竊思臣本一介書生遭逢

盛世不棄葑菲歷任中外三十餘年並無一長足錄乃

蒙

皇恩格外優容不但加擢斥反未

特吉陞臣偏沅巡撫頒發

勅諭以專職掌跪讀之下如聞

聖訓

天威咫尺凜在目前臣有何知能受此重寄仰勦躬盡

瘁亦不足仰答

高厚惟有持廉秉公精白乃心凡有益於

國計民生者知無不行行無不力以報

皇恩於萬一耳臣謹具疏奏

謝伏乞

睿鑒施行

日知堂文集卷一

五

巡撫偏沅等處地方提督軍務兼理糧餉都察院右

副都御史臣鄭端謹

題為恭報微臣入境到任日期仰祈

睿鑒事臣猥以章句腐儒蒙

皇上格外殊恩特簡偏沅巡撫因思荷此重任必須仰承

聖誨方可以開愚昧隨具疏恭請

陛見准吏部咨文奉

旨鄭端不必前來陛見該部知道欽此移咨到臣即星

夜前赴新任於本年八月二十日至湖北武昌府地

方署巡撫事總督臣丁思孔差長沙府陞任通判王

日知堂文集卷一

六

駿中軍遊擊陳義齋送偏沅巡撫關防一顆

王令旗牌八面副到臣隨恭設香案望

闕叩頭祇受仍星夜前進於八月二十五日入湖南岳州

府地方於九月初三日抵長沙府駐劄衙門到任受

事訖除地方一切有關

國計民生事務容臣次第查理舉行外所有入境到任

日期理合

題報至前署撫臣未完案件遵照新例以臣到任日起

扣算完結合併聲明伏乞

睿鑒施行

巡撫偏沅等處地方提督軍務兼理糧餉都察院右

副都御史臣鄭端謹

題為俸工有額無支徵員苦役飢寒迫切懇請賜全

給以遞垂憐事該臣看得湖南各府州屬存舊項下

官役俸工等款共額編銀一十萬一千七百七十七

兩三錢二分零內除荒缺額銀三萬六千七百五十

二兩二錢七分零止實徵銀六萬五千二十五兩五

分零經前撫臣與永朝具

題請援閩省之例照額全給部覆以各省亦有照額全

給者亦有照除荒見在實數支給者悉照舊例全書

日知堂文集卷一

七

定例支給年久應仍照舊例支給等因撤行布政司

遵照去後今據布政司黃性震呈稱祭祀俸工等款

有荒州縣每額銀一兩止實給銀五六錢及三四錢

不等偏枯特甚仍懇援例照額支給前來臣查官役

俸工原照經費額編支給祇緣湖南田有拋荒丁有

故絕當日未分起存一槩按款扣除以致缺額如知

縣佐雜等官額編俸銀歲支不過四十五兩以及三

十餘兩今除荒則止給銀一二十兩不等各役工食

額編每名不過六七兩今除荒則止給銀二三四兩

不等一官而經年所需止得十數兩一役而終歲所

賁止得二三兩委係缺乏不能足用蓋初登仕籍者

不盡皆溫飽之家與以休薪則無謀食之憂庶人在

官者不復習農夫之業給以工食則有代耕之養倘

令枵腹從事必至假公濟私犯法而後治罪亦大負

皇上如天好生之心矣况苜蓿冷著二員而其食一俸舖

兵苦役計程而晝夜走邁除荒之外所存幾何資生

無策更覺困苦再如祭祀一項亦照實徵治辦所支

不敷所用牲牲焉能肥腩黍稷焉能豐潔我

皇上敬神重祀憐念微員憫惜苦役諒必為之惻然動念

但既經部覆不允不敢再望全復舊額而事屬難行

日知堂文集卷一

八

又不得不據實入

告且普天率土同為臣子各省既有照額全給之例湖

南亦應邀一視之仁除臣受

恩深重與兩司道府各官不比微員下吏所有俸銀應仍

除荒支熟不敢分外干

請其餘州縣以下多屬遠宦孤踪並各役工食應同祭祀

等項自康熙二十八年起額請

皇恩一槩照額全給嗣後遇有墾復荒糧及空缺俸工統

歸起運充餉如此而么麼小吏爭思鼓舞奮勵以圖

報効而享祀豐潔事神保民無不昭格仰典禮亦與

有光矣臣謹具

題伏乞

睿鑒勒部議覆施行

日知堂文集卷一

九

巡撫偏沉等處地方提督軍務兼理糧餉都察院右副都御史卞鄭端謹

題爲歸旗違限有因遲滯原非無故祈請分別查處以邀

皇恩事該臣看得漢軍官員向因卸事之後每多遲延不肯回旗經過地方往往私自容留不行驅逐所以定有處分之例蓋漢軍既卸原任之事自應作速回旗乃規避遲留日久不歸經過地方各官自當上緊督催乃敢徇私縱容潛住不去一體處分誠不容枉但旗員之中有萬不得已之情而經過遲滯亦有不得不然之勢又當分別查議難以一槩而論如旗員之貪污暴橫一掛彈章奉

日知堂文集卷一

十一

旨睿結立驅就道亦復何辭若夫裁缺丁憂降級解任病故人員或遇盛暑或際嚴寒或父母年過風燭不耐長途或妻子病勢纏綿不能前進或不幸遇水火盜賊勢必求助親友如此而稍緩時日尚可支持倘刻期驅迫難免困苦再查旗員携有家口多由水路湖南限隔洞庭周圍八百餘里水天相際不測風勢難飛渡坐候湖濱十朝半月俱不可料此實天時之無可奈何者旗員至此欲捨身登陸向家以多又

無口岸何處催覓脚力只得停舟久候本身已違定

限地方官同受處分再查旗員經過或眷口死亡或

暴病求醫棺木藥物亦須製備暫費數日此亦人情

乃地方各官迫於定例自愛功名不管他人性命差

役驅逐立刻出境甚至氣憤不平兩不相下交口爭

鬪全無雅道此又人事出自意外而其情更苦者也

臣查當日部議原因回旗人員未定有到京之限恐

在途遲迴規避所以比照赴任違限之例計日降罰

分別治罪並容留地方官一併議處在部臣既比照

赴任違限之例議處而赴任違限有因取有地方官

日知堂文集卷一

十一

印結報部者例得免議今回旗人員如果有疾病事故亦宜照例取具印結報部與經過地方官一體免議再查定例流徙人犯若遇嚴冬停其發遣此乃有罪之人尚蒙

皇上寬恩憐憫今回旗人員多係解任之官除資斧有餘

者不議外其中有貧苦無奈時遇嚴寒亦應暫停押

解以免凍餒至於洞庭阻風歲暮封印所當按日扣

算報部開除同違

寬典如此體恤倘再有強橫恣肆遲延規避者仰許所過

地方官據實申報輕則咨部重則

題叅加等治罪經過地方各官如果容西狗庇不行申

報一並查叅議處則回旗人員無故不敢停留而事

出有因者亦得邀

皇上浩蕩弘恩矣臣謹具

題伏乞

勒部議覆施行

巡撫偏沉等處地方提督軍務兼理糧餉都察院右

副都御史臣鄭端謹

題爲田畝侵隱不清

國計民生交病合亟通行查丈以核稅糧以正疆界事

該臣看得前撫臣之

題請丈量也原因湖南民衛田地山塘共二十八萬餘

頃該徵地丁等銀一百二十四萬餘兩今成熟田地

等項僅一十七萬餘頃實徵銀七十二萬餘兩較之

原額不及十分之六尚有五十餘萬缺混之額課未

清以致六十三州邑世守之版圖未正非清丈則不

能窮家強欺隱之源而塞良善包賠之竇是以據布

政司黃性震條議具詳繕疏入

告部覆奉

旨遵行在案臣自抵任之後凜遵我

皇上潔已奉公實心任事之

俞旨不許丈量人員私派民間一錢私用民間一物諄諄

告誡節儉嚴催竊謂循行成規不難克期報竣乃據

該司詳請展限前來臣查丈量之役全在田野其所

用圖正弓算書手大半皆耕農之家所以舉行此法

必在農隙之後方不至妨工廢業湖南氣燠不比北

方纔及交春民間已事耕犁若於此時丈量不惟有妨農務亦且雨水連綿原野泥濘勢所難行况前撫臣具

題請丈部覆到楚之日已是初夏及至咨請領弓式

移問外省參互考較往返行查業已虛費時日及臣

抵任漸至秋末乘時料理飛檄督催又遇冬雪異常

晴明日少是以不能如期報竣仰祈撫臣具

題疏內已明說繁鉅瑣屑必至逾年完結難拘常限蓋

早計及於此矣查康熙四年江南丈量曾經會議限

文到二年內造冊

日知堂文集卷一

十四

題報後該撫因限內難完又請展限部議再限文到五

個月完結今湖南丈量一案獨限一年計其農隙可

丈之時僅止數月而欲清六十三州縣未清之積弊

亦必不得之數也臣請

皇上睿鑒勅部酌議查照江南行過舊例寬展限期庶小

民得以竭力南畝不因丈量而妨農業仰奉行各官

亦得從容展盡免致迫促草率暗滋奸弊矣再查前

撫臣陞任謝

恩疏又云清丈一案行之善則利

國之事十居其四利民之事十居其六行之不善則利

國之事有司不難抑勒聚歛希承風旨而民實大病矣

苟有弊害後之人必將以闕端咎臣臣之所冒中懷

多疚者此也是前撫臣已明知丈量一件關係重大

奉行之人一有疎漏則奸弊叢生物議蜂起於既

陞將去之際又不能不懇懇過慮也然欲不病民亦

別無他術必擇其害民之事而先去之則

國利而民亦利矣臣推廣前撫臣之意尚未及言者約

量數端為我

皇上陳之

一撰造魚鱗冊籍於詳明之中尤貴簡要查宋儒朱

日知堂文集卷一

十五

熹曾條奏經界著有成法做而行之則紙張筆墨可

以畧省其法始於一保大則山川道路小則人戶田

宅必要東西相連南北相照以至頃畝之濶狹水土

之高低亦須當眾共定各得其實其十保合為一都

則其圖帳但取山水之連接與逐保之大界總數而

已不必更開人戶田宅之濶狹高下也其諸都合為

一縣則其圖帳亦如保之於都而已不必更為諸保

之別也如此則圖帳之費少減蓋明朝魚鱗舊冊太

繁汗牛充棟難於收拾不如前賢成法繁簡適中而

省費也然猶恐不肖有司勞民傷財莫若先聽民自

作草圖草帳而官爲買紙僱工以造正圖正帳存之
公府以備考証草圖草帳仍發還各里以爲左驗則
不至繁費病民矣伏候

聖裁

一有荒行熟州縣恐有欺隱包賠必須丈量卽全熟
州縣有人首告欺隱包賠者亦須履畝清查若全熟
州縣既無缺額又無人首告欺隱包賠除已經奉丈
者不議外其餘未經丈完者似可免其丈量蓋古今
地土只有此數從前代相沿既不缺額又係全熟則
不必更張使奸胥猾吏得以借口需索而前撫臣所
言抑勒聚斂之弊可杜倘百姓情愿自繪田形垂爲
永業者聽其自行丈量據實報官一體菜作魚鱗總
冊亦各隨民便之一道也伏候

聖裁

一丈量之後剩有荒地如係有主無力令其各註願
墾姓名官爲量其丁口以次酌定期限大約至十年
而止不肯自註認墾年限無人認墾者卽爲無主
荒田按畝入官招人開墾或令弁屯種亦可絕借
荒影熱之弊矣伏候

聖裁

一從前安插投誠弁兵原奉部行撥給無主荒地或
有無知愚民隱熟作荒爲弁兵所挾於原撥畝數之
外多行侵占認稱自己開墾者今既經清丈許其自
首除弁兵應得部定畝數與買之土人立有文契者
仍聽執契外其分外多占者應歸原主以杜爭端則
兩得其平矣伏候

聖裁

一衛所歸併納糧在此州縣而田土坐落遠在別州
縣當日正因州縣徧名目相同卽行歸併而其實相
去在百里之外不便輸將小民甚以爲苦卽未裁各

日知堂文集卷一

七

衛屯地亦有散坐各州縣甚至有數百里之外者零
星爲遠輸將更爲不便再查屯糧糧重賦輕民糧糧
輕賦重蓋因前代屯衛原係民所不耕之地令軍屯
種另立科則故與民糧利則不同今既歸併州縣軍
民各照舊例便無異說乃當時間有失於查算科糧
之法仍照軍額科銀之法獨照民例遂致屯田一畝
而當民田二畝之稅小民控訴不止眞覺困苦無聊
今既清丈著爲永遠章程其屯田坐落州縣本境之
內者卽宜歸本州縣附近納糧其未裁各衛屯地
散坐各州縣百里之外有情願歸州縣附納錢糧者

亦宜查明一體歸併而歸縣衙田既有原立科則且
衛田多仍舊例何獨於一二處參差不齊當查照軍
屯原舊科則一體輸納既於額賦絲毫無損而民情
大悅公私兩便矣伏候

聖裁

一州縣皆有浮糧累民較勝邑數倍存有舊誌可証
者雖查有的據猶恐借口減額然此番丈量正為清
欺隱剔包賠苛地少糧多仍舊包賠未去倘止聽州
縣查丈安知不徇庇本邑百姓致虧原額錢糧所當
另選賢員逐畝清丈如果包賠查實核減如借口減

日知堂文集卷一

六

額並州縣一體參處則積弊可清伏候

聖裁

以上數件到任之初知之不真不敢遽為

題請今詢諸屬吏訪之士民又親自考古準今斟酌再

三題此請展限期之際猶可如法措置乃敢據實入

告總之此番丈量我

皇上念切小民清其欺隱免其包賠令苦樂均沾即如天

之覆物飛潛動植無不各得其所受

恩深重巡撫一方不敢不仰體

天心勉竭愚衷稍效管窺於萬一耳謹具

題伏乞

勅部議覆施行

日知堂文集卷一

九

巡撫偏沅等處地方提督軍務兼理糧餉都察院右副都御史臣鄭端謹

題為微臣詞不達意入

告不明罪當萬死反蒙

天恩寬宥感極涕零再瀝愚衷仰祈

睿鑒事臣於康熙二十九年三月十五日為田畝侵隱不

清等事

題請展限內稱有荒有熟州縣恐有欺隱包賠必須丈

量即全熟州縣有人首告欺隱包賠者亦須展畝清

查若全熟州縣既無缺額又無人首告欺隱包賠除

日知堂文集卷一

五

已經奉丈者不議外其餘未經丈完者似可免其丈

量蓋古今地土只有此數從前代相沿既不缺額又

係全熟則不必更張使奸胥猾吏得以借口需索倘

百姓情願自給田形垂為永業者聽其自行丈量據

實報官一體彙作魚鱗總冊等語共條六款一並入

告於五月二十六日接戶部咨文為前事議獲臣疏內有

先據陞任偏撫與承朝因田畝侵隱不清將湖南所

屬各州縣田地具題清丈並未稱全熟州縣免丈之

處且聽百姓自行丈量則豪強霸占地土不由貧懦

管業以致爭告再行丈量或致良善包賠錢糧亦未

可定應將全熟州縣田地仍照前題丈量等因題覆

奉

旨湖南田地前撫與承朝以侵隱不清具題請丈已經部

覆允行丈量田地必須不畏豪強不徇情面方得荒熟

分明田畝無致侵隱小民無致賠累且侵冒地畝皆係

熟田荒田隱占何用今鄭端以全熟州縣免其丈量又

請展限其題這本內事情著與承朝明晰議奏欽此欽

遵咨移到臣跪讀之下不勝惶懼竊思微臣條議

不明詞不達意宜加重誅乃蒙

日知堂文集卷一

五

聖主格外優容感戴

天恩繼之以泣臣生長直隸見直隸地方荒熟分明民間

即有欺隱亦不過欺隱熟地斷不敢捏熟作荒冒請

蠲免孰知湖南積弊實起於捏熟田為荒田因而減

熟田之糧為荒糧又分其名曰老荒新荒何謂老荒

乃明季流賊殘破之後人丁故絕或水冲沙壓或荆

棘盤錯非大用工本不能開墾此老荒也何謂新荒

吳逆變亂之後將熟田捏報荒田其實非真荒也臣

前疏原因請展限期帶陳大畧未及詳悉指陳又因

捏熟作荒其來已久欺隱包賠弊實相因目今現在

田之弊亦何難盡見又恐全熟田地有豪強侵占良
善包賠故條議款內又云全熟州縣有人首告者仍
行履畝清查非一槩熟田俱免丈量也至於聽百姓
自己丈量蓋因既係全熟並無缺額又無人爭告倘
令官吏勢必委用衙胥圖正弓算書手飲食之費紙
筆之資固所不免且有奸猾之輩暗買弓算書手於
自己田畝少縮一二弓暗加於不知積步算法癡愚
之人則田減而糧亦減田增而糧亦增是從前無人
爭告各安其所有者今弓口一有不清反啓日後爭
告之端矣倘聽其自丈則弓算書手各擇用親信之
人奸猾者無隙可乘固不蒙僥倖之心卽癡愚者有
親可信亦不至意外之慮此愚臣一隙之見條議

日知堂文集卷一

三

上請部臣議覆將臣條議中全熟州縣有人首告欺隱包
賠者亦須履畝清查之語未嘗議及竟似微臣將全
熟州縣一槩混請免丈矣乃蒙

皇上聖明無微不照知臣愚誠憐臣孤踪不加重誅止令
前撫臣明晰議奏臣感

恩泣下理宜靜聽何敢再賈

聖聰但臣言未盡臣心不明雖

聖主見察不加臣罪臣亦無地以自容矣謹將未盡愚衷

再一披瀝仰祈

睿慈鑒此蠅誠至於臣前疏共條六件其餘各件雖俱爲
國計民情起見然與臣心跡無甚關碍已經奉
旨著前撫臣與永朝明晰議奏臣何敢再執管見仰煩
聖聰臣謹具

題伏乞

皇上俯照施行

日知堂文集卷一

三

巡撫偏沅等處地方提督軍務兼理糧餉部察院右副都御史臣鄭端謹

題為科派一日不絕民生一日不安特疏糾奏

旨嚴究以儆官邪以除積弊事竊照湖南地方自恢復之

後蒙

皇上蠲租免賦漸有起色必須加意撫綏以寬民力然後

生聚教訓而成至治臣自到任以來仰體

聖心首嚴加派潔已自矢以身率先又諄諄告誡屬員其

期洗心滌慮以報

皇恩乃不意有恬然不畏明知故犯如湘鄉縣知縣李兆

日知堂文集卷一

五

仁者丈量田地則聽信都總王應世圖正王永銓冊

房賈國瓊經承王祖燦等皂頭楊世魁等每石糧料

派銀三分共派銀一千二百二十餘兩里民王應泰

劉美玉証辦解梳杉木則聽信糧書劉震經承王比

等皂頭沈魁等每石糧料派銀二分共派銀八百一

十餘兩里民王千鏡鐘禮証案查丈量田地原期清

欺隱豁包賠奉有

俞旨不許生事科派臣到任後又屢加申誠乃該縣竟不

遵奉以利民之事而反為厲民之行辦解木植臣恐

借端苛斂已經具

題請動康熙二十九年地丁銀兩通行知照乃該縣不

動正項而取民間是尚知有

國法乎臣訪聞既真又據布政司黃性震按察司綠一

信長沙府知府劉永家揭報前來所當據事直糾請

旨革職與有名竊役一並提問究擬者也臣謹具

題伏乞

睿鑒勅部議處施行

日知堂文集卷一

五